



საარჩევნო დღის მონიტორინგის სიახლე - 20:00

აღნიშნული ანგარიშის მომზადება შესაძლებელი გახდა ამერიკელი ხალხის გულუხვი მხარდაჭერით ა.შ.შ. საერთაშორისო განვითარების სააგენტოს მეშვეობით. ანგარიშის შინაარსზე პასუხისმგებელია "საერთო სამოქალაქო მოძრაობა მრავალეროვანი საქართველო" და შესაბამისად უცილობლად შესაძლოა არ ასახავდეს ა.შ.შ. საერთაშორისო განვითარების სააგენტოსა და ა.შ.შ. ხელისუფლების შეხედულებებს.



30.05.2010

ა.შ.შ. საერთაშორისო განვითარების სააგენტოს მხარდაჭერით პროექტის "2010 წლის ადგილობრივი თვითმმართველობის არჩევნების მონიტორინგის სამოქალაქო ინიციატივა - არჩევნების სამართლიანად ჩატარების უზრუნველსაყოფად სამცხე-ჯავახეთისა და ქვემო ქართლის ამომრჩევნთა შესაძლებლობათა გაფართოება" ფარგლებში "საერთო სამოქალაქო მოძრაობა მრავალეროვანი საქართველო" ახორციელებს საარჩევნო დღის მონიტორინგს სამცხე-ჯავახეთისა და ქვემო ქართლის რეგიონებში.

სამცხე-ჯავახეთის რეგიონი:

ბუზავეთის 38-ე (ახალქალაქის 40-ე საარჩევნო ოლქი) საარჩევნო უბნის დახურვის შემდგომ საუბნო საარჩევნო კომისიის წევრებმა დაიწყეს ბიულეტენების ჩაყრა საარჩევნო ურნაში. აღნიშნულ ქმედებას იმით ხსნიდნენ, რომ ხმას აძლევდნენ თვისი და ოჯახის წევრების სახელით. როგორც შემდგომ გაირკვა მათ არ იცოდნენ ქონდათ თუ არა ამის უფლება.

აღნიშნულ უბანზე შედგენილ ოქმს აკლდა რეგისტრატორის ინდივიდუალური ბეჭდის ნომერი. ამგვარი სახით ოქმი ჩაბარებული იქნა საოლქო საარჩევნო კომისიაში. აღნიშნული ფაქტი გაპროტესტებული იქნა დამკვირვებლების მიერ. უბნის კომისიის თავმჯდომარემ ჰოვიკ აკოპიანმა დამკვირვებლებს უარი განუცხადა ოქმის ასლის მიცემაზე.

აღნიშნულ უბანზე კომისიის მდივანმა 12:00 უარი განაცხადა ამომრჩეველთა სიაში ხელმოწერების დათვლაზე. ხსენებულ უბანზე გამოცხადდა ახალგაზრდა გოგონა, რომელმაც განაცხადა, რომ დედა ავად ჰყავდა და მის ნაცვლად სურდა ხმის მიცემა. რეგისტრატორმა დამკვირვებელს ჰკითხა ქონდა თუ არა გოგონას უფლება ხმა მიეცა დედის სანაცვლოდ. დამკვირვებელმა უპასუხა, რომ კანონი ამას კრძალავდა. მიუხედავად აღნიშნულისა გოგონამ ხმა მისცა დედის ნაცვლადაც.

აღნიშნულ უბანზე წარმოდგენილი იქნა დამატებითი სია, მიუხედავად იმ გარემოებისა, რომ ადგილობრივი თვითმმართველობის არჩევნებისათვის არსებული კანონმდებლობა არ ითვალისწინებდა დამატებითი სიებით ხმის მიცემის უფლებას.

უბანზე ხმის მიცემის უფლება დართეს პიროვნებას, რომელიც სიაში არ იყო. როგორც დამკვირვებლებს აუხსნეს აღნიშნული პიროვნება გახლდათ კომისიის ერთერთი წევრის დედა და აღნიშნულ სოფელში დიდი ხნის განმავლობაში ცხოვრობდა.

კოთელიის 42-ე საარჩევნო უბანზე საუბნო კომისიის თავმჯდომარეს, ისევე როგორც კომისიის სხვა წევრებს დამოუკიდებლად არ შეეძლოთ ოქმის შევსება. შესაბამისად კომისიის თავმჯდომარემ სუფთა ოქმი შესავსებად სოფელ ბარალეთში წაიღო.

აღნიშნულის თაობაზე მან დამკვირვებლებისაგან შენიშვნა მიიღო, რის შემდგომაც შეუვსებელი ოქმი პირდაპირ ახალქალაქის 40-ე ოლქის საარჩევნო კომისიაში წაიღო.

კორხის 15-ე საარჩევნო უბანზე ადგილი ქონდა საარჩევნო ყუთში ბიულეტენების დიდი რაოდენობით ჩაყრას კომისიის წევრების მხრიდან, რაც გადაღებულია ვიდეო ფირზე. დამკვირვებელთა გაპროტესტების მიუხედავად ამგვარ ქმედებას შესაბამისი რეაქცია არ მოყოლია კომისიის წევრთა მხრიდან.

დილისკის 24-ე საარჩევნო უბანზე გამოცხადდა ახალქალაქის გამგეობის წარმომადგენელი და სურვილი გამოთქვა დასწრებოდა ხმის დათვლის პროცედურას. დამკვირვებლების მიერ გამოთქმული პროტესტის შემდგომ მან დატოვა საარჩევნო უბანი.

ხანდოს 62-ე საარჩევნო უბანზე ”მრავალეროვანი საქართველოს” დამკვირვებელმა მათა დალაქიშვილმა შენიშნა, რომ ამომრჩეველი მეორეჯერ აპირებდა ხმის მიცემას. მისი ჩარევის შემდგომ ხელმეორედ ხმის მიცემის მცდელობა აღკვეთილ იქნა. მოგვიანებით უბანზე მოვიდა სოფლის რწმუნებული და შეეცადა მათა დალაქიშვილზე ზეწოლის მოხდენას. მოგვიანებით სოფლის რწმუნებულმა უბანი დატოვა.

კუმურდოს 49-ე საარჩევნო უბანზე ადგილი ქონდა მუქარას დამკვირვებლებზე ფიზიკური ძალადობის განხორციელების. აღნიშნული მუქარა მოდიოდა როგორც ”ერთიანი ნაციონალური მოძრაობის”, ასევე ”მოძრაობა სამართლიანი საქართველოს” წარმომადგენლებისაგან, რომელთაც დამკვირვებელზე ზეწოლით, დიდ ალბათობით სურდათ უბანზე პროვოკაციების მოწყობა.

ხავეთის 61-ე საარჩევნო უბანზე ადგილი ქონდა ამომარჩეველთა მიერ ოჯახის წევრების სახელით ხმის მიცემის ფაქტებს. ამომრჩეველები პროტესტს აცხადებდნენ გაეარათ მარკირების პროცედურა. მიუხედავად აღნიშნულისა, დამკვირვებელთა ჩარევის შემდგომ იძულებულ გახდნენ გაეარათ მარკირების პროცესი.

საგულისხმოა ის ფაქტი, რომ ახალქალაქის საოლქო კომისიაში უბნებიდან შემოსული ოქმების 90 პროცენტზე მეტი არ იყო შევსებული კანონმდებლობის შესაბამისად. აღნიშნული ტენდენცია ატარებდა მასიურ ხასიათს, რაც ნათლად მიუთითებს იმ ფაქტზე, რომ საუბნო საარჩევნო კომისიის წევრები არ იყვნენ ადექვატურად მომზადებულნი საარჩევნო პროცედურების გატარებისათვის (საერთოდ ნაკლებად იყვნენ ინფორმირებულნი საარჩევნო კანონმდებლობაში) და მათი საარჩევნო ცნობიერების დონე ნამდვილად არ შეესაბამებოდა მათდამი წაყენებულ მოთხოვნებს მიუხედავად მრავალი სატრეინინგო პროგრამისა რომელიც მათ ჩაუტარდათ. აღნიშნული პრობლემა დაადასტურა და მწუხარება გამოხატა ახალქალაქის საოლქო კომისიის თამეჯდომარემაც. საგულისხმოა ის ფაქტიც, რომ

საუბნო საარჩევნო კომისიის თამჯდომარეები დამოუკიდებლად ვერ ადგენდნენ საარჩევნო დოკუმენტაციას და დახმარებას კომისიის წევრებს თხოვდნენ.

დამკვირვებელთა მიერ დაფიქსირდა არაერთი ფაქტი, როცა საუბნო საარჩევნო კომისიებში შედეგების შეჯამებისას გამოყვანილი პროცენტული მაჩვენებლები არ ჯამდებოდა (მეტი იყო 100 პროცენტზე) და ასევე ოქმებში დაფიქსირებული ამომრჩეველთა რაოდენობა არ შეესაბამებოდა უბნებზე რეალურად გამოცხადებულ ამომრჩეველთა რიცხოვნობას.

ქვემო ქართლის რეგიონი

წალკის 25-ე საარჩევნო ოლქის 26-ე უბანს ხმის მიცემის პროცედურის დასრულების შემდგომ შეუწყდა ელექტრო ენერჯის მიწოდება.

”მრავალეროვანი საქართველოს” დამკვირვებლებმა საჩივარი შეიტანეს მარნეულის 22-ე საოლქო საარჩევნო კომისიაში იმ საარჩევნო დარღვევის გამო რომელსაც ადგილი ჰქონდა ყიზილაჯლოს 49-ე საარჩევნო უბანზე (ყიზილაჯლოს 49-ე საარჩევნო უბანზე მოქალაქე ზიქირ აბდუნაევმა რამოდენიმეჯერ მისცა ხმა. დამკვირვებელთა გაპროტესტების საფუძველზე მოქალაქემ ბრძანა, რომ იგი მოვიდა მე-5 ნომრის სასარგებლოდ ხელმეორედ ხმის მისაცემად). აღნიშნული ფაქტი გასაჩივრდა საუბნო კომისიაში, მაგრამ არანაირი რეაგირება არ მოჰყოლია.

საჩივარი ასევე შევიდა გარდაბნის 21-ე საოლქო საარჩევნო კომისიაში, იმდენად რამდენადაც საჩივარი არ იქნა დაკმაყოფილებული ყარაჯალარის 58-ე საუბნო საარჩევნო კომისიის დონეზე. (სოფელ ყარაჯალარის 58-ე საარჩევნო უბანზე ერთი და იმავე ამომრჩეველმა 3 ჯერ მისცა ხმა. უბანზე დაფიქსირდა 3 არასრულწლოვანი ამომრჩეველი. უბანზე გარკვეული პერიოდის განმავლობაში არ მუშაობდა მარკირების აპარატი, თუმცა უბანი აღნიშნულის გამო არ დახურულა. ასევე, დილიდან, რამოდენიმე საათის განმავლობაში საარჩევნო უბანს არ მიეწოდებოდა ელექტრო ენერჯია. კენჭისყრა მიმდინარეობდა შეუსაბამო სივრცეში - კომისიის წევრები ისხდნენ ერთ ოთახში, ხოლო საარჩევნო ყუთი განლაგებული იყო მეორე ოთახში).

საჩივარი ასევე წარედგინა გარდაბნის 21-ე საოლქო საარჩევნო კომისიას იმ ფაქტის თაობაზე, რის შესაბამისადაც მე-3 საარჩევნო უბანზე კომისიის თამჯდომარემ ნაცვლად იმისა, რომ კანჭისყრით აერჩია ხმის დამთვლელები კომისიის წევრთა შორის თავად დაიწყო ბიულეტენების თათვლა უბანზე ხმის მიცემის პროცესის დასრულების შემდგომ.